

LUTRIJA BOSNE I HERCEGOVINE d.o.o.
SARAJEVO

Na osnovu člana 17. Zakona o igrama na sreću ("Sl. novine FBiH", broj 48/15 i 60/15), člana 7. Pravilnika o sadržaju pravila, uvjetima i načinu priređivanja nagradnih igara („Sl. novine FBiH“, broj 30/16) i člana 29. Statuta Lutrije Bosne i Hercegovine d.o.o. Sarajevo ("Sl. novine FBiH", broj 95/15), direktor Lutrije Bosne i Hercegovine, donosi

PRAVILA
o organizovanju nagradne igre
„Usudi se da Zaigraš“

Član 1.

Ovim Pravilima detaljno se uređuju uslovi za organizovanje nagradne igre „Usudi se da Zaigraš“, koju priređuje Lutrija Bosne i Hercegovine d.o.o. Sarajevo, sa sjedištem u Sarajevu, ulica Mehmeda Spahe br. 11., ID broj: 4200496180007, registrovana kod nadležnog suda, čija je djelatnost priređivanje svih vrsta igara na sreću.

Član 2.

Svrha organizovanja nagradne igre „Usudi se da Zaigraš“ je promocija e-novčanika Lutrije BiH.

Član 3.

Trajanje nagradne igre je od 01.06.2017.godine do 31.12.2017.godine.
Pravo učešća imaju svi posjetioci kino dvorana u Sarajevu (Cinema City) , Mostaru (CineStar) , Bihaću (CineStar) , Tuzli (CineStar) i Zenici (Ekran) .

Član 4.

Nagradna igra se realizuje na sljedeći način:

- Posjetioci kina, stariji od 18 godina će dobiti vaučer/nagradni kupon;
- Voucher omogućava dodjelu bonusa u vrijednosti 5KM novoregistrovanim igračima odnosno onim igračima koji nisu ranije imali uplatu vlastitih sredstava na svoj račun; Rok za realizaciju bonusa od 5KM je 30 dana od dana aktivacije istog.
- Za učešće u izvlačenju mjesečnih nagrada potrebno je realizovati vaučer na uplatno prodajnim mjestima Lutrije BiH na način da posjetioci kina popune poledinu vaučera i ostave tražene podatke;
- Popunjeni vaučeri predaju se na uplatno-prodajnom mjestu Lutrije BiH.

Član 5.

Ukupni nagradni fond iznosi 18.088,00 + PDV i sastoji se od:

- 1 x LED TV -Telefunken 730,00 KM + PDV;
- 1 x mobitel -Samsung Galaxy A5 860,00 KM + PDV;
- 1 x tablet- Samsung T580 569,00 KM + PDV;
- 5 x Poklon paket 85,00 KM + PDV.

Navedeni iznosi su u vrijednosti pojedinačnih nagrada.

Vrijednost fonda dobitaka za mjesečno izvlačenje iznosi 2.584,00 + PDV.

Član 6.

Nagrade se ne mogu zamijeniti za novac.

Član 7.

Ukupan iznos nagrada i porez na dobitke snosi Lutrija BiH i isti finansira iz vlastitih sredstava.

Član 8.

Svi vaučeri prikupljeni tokom jednog mjeseca učestvuju u izvlačenju robnih dobitaka sljedećeg 15. u mjesecu izuzev kada 15.dan pada na dan vikenda ili praznika, tada se izvlačenje prebacuje na prvi radni dan.

Izvlačenje će se obavljati u sjedištu Lutrije BiH u Sarajevu, u ul. Mehmeda Spahe br.11, 15. u mjesecu u 12:00h , izuzev kada 15. dan pada na dan vikenda ili praznika, tada se izvlačenje prebacuje na prvi radni dan

Izvlačenje će se obavljati uz nadzor tročlane komisije imenovane od strane direktora Lutrije Bosne i Hercegovine.

Dobitnici nagrada će biti izvučeni iz baze prikupljeni vaučera/nagradnih kupona.

Član 9.

Komisija će utvrditi konačnu listu dobitnika te o svemu sastaviti Zapisnik sa podacima o dobitnicima, nagradama i broju vaučera/nagradnih kupona koji su učestvovali u izvlačenju.

Imena dobitnika bit će objavljena na web stranici Lutrije BiH, a dobitnici će biti obavješteni o ostvarenom dobitku.

Član 10.

Nakon završenog izvlačenja, stručne službe Lutrije BiH će najkasnije u roku od 8 dana pismenim putem obavijestiti dobitnike o osvojenim nagradama, kao i o načinu i mjestu preuzimanja.

Član 11.

Rok za preuzimanje nagrada je 30 /trideset/ dana od dana prijema pisane obavijesti od strane Lutrije BiH.

Ako dobitnici nagrada u roku iz stav 1. ovog člana ne preuzmu osvojene nagrade, stručne službe Lutrije BiH će u roku od 8 dana od isteka navedenog roka, ponovno uputiti pisanu obavijest dobitnicima nagrade, te odrediti naknadni rok za preuzimanje nagrade.

Ako dobitnici nagrada ni u naknadnom roku iz stava 2. ovog člana ne preuzmu osvojenu nagradu, gube pravo na nagradu, a priređivač je dužan postupiti na način propisan članom 11. Pravilnika o sadržaju pravila, uslovima i načinu priređivanja nagradnih igara.

Član 12.

Nagrade se preuzimaju u sjedištu Lutrije BiH u ul. Mehmeda Spahe br.11. Sarajevo.

Dobitnik bilo koje nagrade iz člana 5. ovih Pravila, prilikom preuzimanja iste mora priložiti na uvid ličnu kartu.

Član 13.

Pravo učešća u ovoj nagradnoj igri nemaju radnici Lutrije BiH i članovi njihove uže porodice, kao ni radnici multiplex centara CineStar Bihać, Tuzla i Mostar, Cinema City Sarajevo i Ekran Zenica.

Član 14.

Učestvovanjem u nagradnoj igri učesnici se slažu i obavezuju se poštivati Pravila nagradne igre.

Član 15.

Priređivač zadržava pravo otkazati, prekinuti ili staviti u stanje mirovanja nagradnu igru u slučaju više sile, zaraze računarskim virusom, bagova, manipulacije, neovlaštenog zahvata, prevare, tehničkog kvara, ljudske pogreške koja je izvan kontrole Priređivača, ako je time ugroženo upravljanje, sigurnost, pravičnost, etičnost ili ispravna provedba nagradne igre.

Član 16.

Priredivač zadržava sva prava izmjene Pravila nagradne igre u bilo koje vrijeme tokom trajanja nagradne igre, uz prethodnu saglasnost Federalnog ministarstva finansija. Svaka promjena nagradne igre, uključujući produženje ili skraćivanje trajanja nagradne igre, bit će objavljena na web stranici Lutrije BiH www.lutrijabih.ba, te počinje vrijediti od datuma objave.

Priredivač ne preuzima odgovornost o znanju učesnika o promjenama pravila nagradne igre sve dok su te promjene objavljene na web stranici Priredivača.

Član 17.

Priredivač ne preuzima odgovornost u slučaju da je dobitnik pružio netačne podatke ili informacije, koje su dovele do nemogućnosti dodjeljivanja nagrade.

Član 18.

Svi sporovi između Priredivača i učesnika ove nagradne igre bit će riješeni sporazumno, a u slučaju da to nije moguće, sporove rješava Općinski sud u Sarajevu.

Član 19.

Ova Pravila stupaju na snagu danom donošenja a primjenjuju se narednog dana od dana objavljivanja u jednoj od dnevnih novina.

Broj: 838-1/17
Dana:24.04.2017.godine

 D I R E K T O R
Edhem Pašukan